

絳縣志卷之十二

古蹟

陵墓寺觀附

車箱城在縣南十里春秋時晉侯城聚殺羣公子處  
杜預注聚晉邑俗名車箱城址存

故絳城在翼城東南曲沃南二里元和郡縣志絳周  
勃邑今號絳邑故城舊志縣西二十里有絳侯封  
邑今爲勃村有遺址

故晉州 隋志後周置晉州於此建德五年廢

郇王寨在縣東二十里郇王村東

絳縣志

卷之十二 古蹟

一

南樊寨在縣東三十五里周圍約二十餘畝上可避  
兵

白雲洞在縣東太行山洞深二丈餘產石鍾乳洞中  
有吼聲三日內卽雨洞外就崖磨碑刻佛經一卷  
未注晉天符五年白雲子書按晉無天符年號疑  
爲天福

石門在縣東北續魯兩壁峭立中通行人高十餘丈  
長可數里

華陽池在縣署東上有亭曰豐樂卽古凝翠亭也襟



帶溪水植蓮畜魚公餘玩賞元推官劉遂初絳守  
宋止齋俱有詩詳藝文今廢

太虎石在縣署前高八尺堅質細皴間於夜分放光  
甲子老人圖在大堂前碑在大門外路東

絳侯封邑碑在治署前明崇禎末年范志亮書隸法  
奇古可玩

雷震柏在東關府君廟高可百尺周十圍萬厯年間  
遭雷震外堅中空下可容數人雖霜皮僅存而枝  
葉愈加茂盛大抵晉唐以上物也

絳縣志

卷之十二

古蹟

二

古松在縣東北犯村舅犯廟突兀磊砢蟠蜒而上覆  
冒殿宇如張綠傘不知紀年

陵墓附

姜嫄墓在縣南三十里煙莊存雲嶺墓前有祠見祠  
廟

晉獻公墓在縣東槐泉

晉文公墓在縣東下村祠前有廟見祠廟

晉靈公墓在縣東磨裏村地名景塚

晉大夫舅犯墓在縣東郇王村舊有碑今無土人咸



呼其塚爲狐偃圪塔

漢絳侯周勃墓在縣西勃村元推官劉遂初絳守宋克篤俱有過絳侯墓詩見藝文

晉司空裴楷墓在縣西南楊村有碑剝落

宋尙書張觀墓在縣東北范柴村有碑剝落

寺觀附

興國寺在縣治西南隅明嘉靖間知縣徐富建邑人吉大來記

聖水寺在縣治西南十里楊村卽聖水三泉元泰定

絳縣志

卷之十二

陵墓

三

間建僧海林重修

永興寺在城南順治二年建康熙十四年重修乾隆二十一年新建後毀

壽聖寺在縣治東北二十里鄭柴莊隋開皇年間建太陰寺在縣東十五里張上村元泰定年間建

金禪寺在縣東北三十五里北樊村宋紹興年間建鐘樓寺在城東北宋乾德年間建

普照寺在縣東北二十里范柴村金天眷年間建洪福寺在縣東北四十里倉豐莊元中統二年建明



洪武間并觀音福勝二寺入焉

太陽寺在縣西北二十里崗底莊元泰定間建

淨居寺在縣東十里韓莊

慈光寺在縣東北四十里大交鎮

福田寺在縣東北三十里南樊莊明成化年間建

福勝寺在縣西北十里西橋莊元至正年間建

淨土院在縣西二十里崔村懸崖危閣古柏盤根頗

饒幽致

永興禪寺在縣西北十五里牛村莊元泰定年間建

絳縣志

卷之十二 寺觀

四

彌陀寺在縣東北二十里王峯莊

寶泉寺在縣東二十里槐泉莊明嘉靖年間建

石佛寺在縣東北二十里鄭柴莊

興福寺在趙村

續魯上寺

玉泉洞在縣東北二十里南柳莊相傳爲僧人道明

創玉得泉因建寺以名之

龍泉院在縣東北三十五里范璧莊西元泰定年間

勅建



燈明院在縣東北三十里長干村

洪濟寺在縣東五里路村

福興寺在縣東北三十里三澗村

太微宮在縣治西街南向元至正年間建

元清觀在東關元大德年間建

九雲觀在縣東南陳村宋延祐年間建

長春觀在縣東南十里荊村元至正年間建

洞元觀在長干村

玉陽觀在下柏村

絳縣志

卷之十二 寺觀

五

雲溪觀在縣東北五十里張村元至正年間建

遇真觀在縣東北五十里枚村元至正年間建

崇真觀在縣東南樊莊明嘉靖年間建

洞真觀在縣南十里南城莊

玉清宮在絳山西頂

元帝臺在絳山絕頂卽絳山曉日處

玉泉觀一在鄭柴東南一在賀水元至正年間建

清都觀在縣東喬村元至正年間建

老君廟在城南二里坡下 國朝順治二年建殿宇



恢闕爲一邑中寺觀之最每歲二十兩月商賈咸聚集於此以通貿易下有九龍溝春明日霽頗饒麗景龍澗早春卽其地也嘉慶道光咸豐年間相繼重修

臨泉洞在縣西南十五里西冷口明成化年間建

國朝乾隆二十四年重修

朝陽洞一在縣東北續魯莊一在縣西南西冷口莊一在縣東磨裡村一在縣西北牛村溝巖下惟在續魯莊者爲最勝同治十三年修

絳縣志

卷之十二 寺觀

六

圓覺洞在縣西南冷口莊崖岍間周圍峭壁前開一門

元真洞在縣東二十里

龍泉洞在縣東十五里衛莊

紫霞洞在縣西北二十里步坑莊

華巖洞在縣東二十里東官莊

福勝院在縣東三十里董封莊金大定五年勅建同

治元年修

仙人洞在縣西二十里柳莊南山徑曲達地極幽勝



上有石洞五色天然壁列十八羅漢像中間石縫  
啓處水出涓滴不歇洞外草木頗饒佳致前人題  
云山容似畫鳥語如絃相傳爲晉郭璞讀書處明  
邑紳張師曾募創回廊十餘楹

雲章閣在縣治東門外 梓潼帝君廟內乾隆五十  
三年邑令宋如林建

文峯塔在縣治東南一十五里教山同治十二年邑  
令陳懷璋建



祥異

周

桓王十一年七月壬辰朔日食貫中失上下竟而黃  
劉歆以為六月趙與晉分晉灼注周之六月今之

四月始生畢而入參參晉分也

漢五行志 按漢儒推步日食詳載

占驗故載之後世史家不指涉晉事者不錄

惠王十六年晉獻公伐霍霍公來奔齊晉大旱卜之

曰霍太山為崇使趙夙召霍君於齊復之以奉霍

太山之祀晉復穰

史記

絳縣志

卷之十二

祥異

八

二十二年九月戊申朔日有食之董仲舒劉向以

為晉滅虢及奚齊卓子之應

五行志

襄王三年雨金於晉

竹書紀年

七年五月日有食之劉向以為象晉文公將行霸

道後伐魏執曹伯敗楚城濮朝天王河陽其效也

五行志

志

十七年晉文公田有大蛇高如堤阻道竟之文公  
還車而反齋居三日請於廟自罪施德於民未半

旬蛇臭腐死

晉史乘



二十四年十二月己卯晉文公卒庚辰將殯於曲沃出絳樞有聲如牛鳴劉向以爲近鼓妖也將有急怒之謀以生兵車之禍五行志

頃王六年秋七月有星孛於北斗傳以爲趙穿之應

同上

匡王元年六月辛丑朔日有食之董仲舒劉向以爲

晉靈公之應同上

定王六年七月甲子日有食之既董仲舒劉向以爲

楚敗晉於邲亦其應同上 晉人獲秦諜殺諸絳市

絳縣志 卷之十二 祥異 九

六日而蘇左傳

八年夏四月丙辰日有食之董仲舒劉向以爲晉

滅潞氏申氏亦其應

十五年夏六月癸卯日有食之董仲舒劉向以爲

王師敗於茅戎晉敗齊於鞏其應也五行志

二十一年夏梁山崩壅河三日不流晉君帥群臣

哭之乃流穀梁傳

簡王十一年六月丙寅朔日有食之董仲舒劉向以

爲晉敗楚於鄢陵之應五行志



十二年春正月雨木冰或曰今之長老名木冰爲木介介者甲兵象也

五行志

靈王十四年秋八月丁巳日有食之董仲舒劉向以爲晉大夫專政之象

同上

二十年九月庚戌朔日有食之董仲舒以爲樂盈入於曲沃劉歆以爲七月秦晉分

同上

二十三年八月癸巳朔日有食之既劉歆以爲六月晉趙分

同上

景王十一年春石言於晉魏榆

左傳

絳縣志

卷之十二 雜異

十

十三年春王正月有星出婺女鄭裨竈言於子產曰七月戊子晉君將死今茲歲在顓頊之墟姜氏實守其地居其繼首而有妖星焉告邑姜也邑姜晉之妣也姜氏實守其地天有七紀戊子逢公以登星斯於是乎出吾是以譏之

左傳

二十年夏六月甲戌朔日有食之董仲舒以爲時宿在畢晉國象也

五行志

敬王七年秋龍見於絳郊

左傳

二十二年冬十一月丙寅朔日有食之董仲舒劉



向以為晉三大夫分晉之應五行志

二十五年八月庚辰朔日有食之劉歆以為六月

晉趙分同上

元王六年澮絕於梁丹水三日絕不流竹書紀年

貞定王三年乙亥晉地震綱目前編

考王十有三年癸丑晉桃李冬實綱目前編

八年彗星見於晉舊志

十三年晉無雲而雷同上

威烈王三年晉大旱地生鹽竹書紀年

絳縣志 卷之十二 祥異 十一

四年四月晉大雨雪舊志

二十年五月絳有三犬率象犬數萬聚於絳殺一

犬於東方一犬於西方同上

顯王二十三年絳中地坼西絕於汾竹書紀年

漢

高祖七年月暈參畢七重史記

文帝三年秋旱五行志

景帝中三年正月丁亥金木合於觜觶為白衣之會

三月丁酉彗星夜現色白長丈在觜觶旦去益小



十五日不見六月甲子蓬星見尾北可六丈丁卯  
在箕北近漢稍小生時大如桃壬申去凡十行

委志

昭帝始元二年冬無冰傳以爲上年九歲大將軍霍

光秉政之應

五行志

神爵元年三月行幸河東祠后土詔曰東濟大河天

氣清靜神魚舞河幸萬歲宮神爵翔集其以五年

爲神爵元年甘泉河東行所過無出田租

漢書

成帝建始三年夏大水郡國十九兩山各水出凡殺

四千餘人壞官寺民舍八萬三千餘所傳曰簡宗

絳縣志

卷之十二 祥異

十三

廟不禱祀廢祭祀逆天時則水不潤下此元年有

司奏徙河東后土於長安之應也

五行志

哀帝建平元年十二月白氣出西南從地上至天出

參下貫天厠廣如一匹布長十餘丈十餘日去

委志

後漢

和帝永元元年正月辛卯有流星起參長四丈有光

色黃白

委志

安帝元初元年六月丁巳河東地陷

後漢書

延光二年三月丙辰河東大風拔木

同上



桓帝建和元年秋七月河東言木連理同上

永壽三年七月河東地裂

靈帝建甯四年五月河東雨雹山水大出地裂十二

處

魏

元帝咸熙二年二月太行山崩晉五行志

晉

武帝泰始三年三月太行山崩五行志

咸甯元年地震五年雨雹兼傷秋稼三豆同上

絳縣志

卷之十二 祥異 十三

愍帝建興元年十二月河東地震雨肉晉書

北魏

世祖延和元年秋七月大流星出於參天象志

高祖延興五年正月丁酉白虹貫日

孝文帝太和三年正月月暈觜參兩肩占曰有赦

七年十月有客星大如斗在參東

宣武帝景明元年八月乙亥并朔汾州司州之正平

平陽頻暴風實霜靈徵志

孝明帝熙平元年十二月甲辰月暈東井觜參五車



占曰大旱

天象志

前廢帝普泰元年十月甲寅金火歲土聚於觜參甚

明大晉魏之墟也

出帝永熙元年十一月辛丑有流星出昴北東南流

轆貫參光明照地有聲如雷

北周

武帝建德六年九月甲申絳州獻白雀

周書

隋

文帝仁壽四年七月乙未日青無光八日乃復

隋書

絳縣志

卷之十二

祥異

十四

唐

高祖武德二年太行山聖人崖有聲

新唐書五行志

太宗貞觀十年河東疾疫命醫齋藥療之

二十一年秋絳蒲等州旱

五行志

二十三年八月癸酉河東地震乙亥又震

高宗永徽元年絳州旱蝗

久視元年河東旱

睿宗景雲二年正月甲戌并汾絳三州地震壞廬舍

壓死百餘人



肅宗乾元三年四月丁巳有彗星色白長四尺東方疾行歷畢昴觜騰參主右執法西凡五旬餘昴畢

為趙參為唐天文志

代宗大歷二年河東水災五行志

七年七月芝草生 十二月丙寅有長星於參下

其長亘天長星彗屬參唐星也同上

德宗興元元年冬十月螟蝗為害蒸民饑饉每節度

賜米五萬石舊唐書

憲宗元和四年十二月群鳥夜集於太行山上五行志

絳縣志 卷之十二 祥異 十五

穆宗長慶元年七月有火流出參西北色黃有尾迹

長六七丈光燭地至羽林滅

四年七月鎮星依歷在觜騰行至參六度當居不

居失行而前遂犯井鉞 絳州蚘蚋害稼

文宗太和六年秋河中絳州旱

宣宗大中六年三月有彗星出於觜參

懿宗咸通六年正月大風拔木有十圍者 十二月

晉絳二州地震壞廬舍地裂泉湧泥出青色

八年正月丁未河中晉絳三州地大震壞廬舍人



有死者

僖宗乾符三年秋河東諸州多鼠穴屋壞衣三月止  
鼠盜也

五年秋大霖雨汾澮及河溢害稼

中和元年秋河東早霜殺稼

昭宗乾甯二年三月庚午河東地震山摧

宋

太祖建隆四年六月絳州有蝗

乾德二年二月辛亥晉絳蒲州饑命發廩賑之

絳縣志

卷之十二 祥異

六

五年絳州大水

太宗太平興國六年絳州旱

純化二年絳晉汾等州旱

真宗大中祥符九年六月蝗蝻趣河東及霜寒始斃

仁宗天聖三年十一月辛卯晉絳陝解饑發粟賑之

明道二年河東蝗

至和二年河東自春隕霜殺桑

慶曆三年十二月河東地震

神宗熙甯元年二月壬戌河東饑貸饑民粟



元豐七年河東饑詔蠲稅

徽宗宣和七年七月己亥河東諸郡咸震裂

金

熙宗皇統二年秋西京河東大熟

海陵王正隆二年秋河東蝗

五年二月辛未河東地震

衛紹王崇慶元年河東旱賑之 五月河東大饑斗

米錢數千流殍滿野

二年河東大旱

絳縣志

卷之十二 祥異

七

正祐二年吳村民席憲地內麥一莖兩穗有四五岐  
至六七岐者二畝餘繪圖以奏一時題咏甚多

元

世祖至元二十六年絳州大旱

成宗元貞元年七月大原平陽等路旱

大德八年正月地震九年以地震改平陽路爲晉甯

路十年復地震十一年大水

泰定帝泰定四年八月晉甯路旱

順帝至元六年五月辛卯絳州雨雹大者二尺餘



七年夏四月河東大旱民多饑死

二十一年十月癸己有赤氣見北方如火

二十三年六月丁己有白虹二道衝斗牛間

二十七年春正月乙未夜聞天鼓鳴將旦復鳴其聲如空中戰鬥者 七月丁酉星隕光耀如晝

明

宣德三年山西大饑流移十萬餘口

嘉靖七年饑

三十四年十二月十二日地震十餘次城垣廬舍

絳縣志

卷之十二 祥異

六

傾倒殆盡人民壓死者不可勝紀

萬曆元年天裂

十四年大饑

十六年秋七月絳縣蝗 八月二十三日絳縣大

雪嘉禾一莖三四穗

二十四年六月二十日有赤星如斗自西南流入東北翌日雨雹大如卵

二十六年大饑

四十四年四月飛蝗蔽天食禾立盡



崇禎四年流寇入境

六年春大饑發帑賑濟

七年夏有流星出參宿 大饑

八年秋旱大饑

九年又大饑賑之

十年秋騰

十二年蝗食禾如掃

十三年旱 舊志是年八月隕霜

十四年春大饑

絳縣志

卷之十二 祥異

十六

十七年正月二十一日偽順縣令來搜鄉紳故宦  
子孫逼索財物極其慘毒

國朝

順治六年五月府屬大亂賊入縣城知縣逃去教諭

崔琦投井死城中居民漸稀 十二月十六日賊

焚縣治學宮四鳴樓三門城樓店肆民屋幾盡烟

火數日不絕

舊志

七年夏六月地震

八年六月夜見流火光如晝



康熙十九年十一月初一日丙辰戌時酉戌地白氣如虹濶如布帛自地直上斜冲斗牛虛危分野附天漢而左旋至亥子時不見初二三日陰晦不見初四五六日濶前三倍益光而白中覺有青色

三十年夏旱

三十二年大有麥

三十四年地震奉

旨發帑散賑又給貧民修葺房屋銀兩

四十三年夏旱麥被災

絳縣志

卷之十二 祥異

三

五十七年五月二十一日地震 二十七日雨雹

大如杏從東南來爲時最多傷害田苗

六十年夏旱麥被災

六十一年田中秋黍有一殼數粒者是年大稔

雍正七年十二月卿雲嚴日是歲大稔

九年大有麥

乾隆五年冰雹傷禾

十一年正月大雪有二尺許二月初八日水大發阻隔行人有淹斃者



二十四年旱秋禾災

二十五年正月初一日日月合璧五星聯珠

三十四年有星客於氏八月彗星見

嘉慶元年有年

九年春燠清明後大雪麥凍生蟲沿苗纏滿夏初  
蟲死麥亦枯五六月無雨苗多不實米麥每石  
價銀十八兩雜糧十二三兩民多餓殍

十年大饑人刨草根而食奉

旨免糧發賑計口授銀大口二錢四小口一錢二極

絳縣志

卷之十二

祥異

三十一

貧一月一領次貧兩月一領

十一年春麥死十之七米麥價銀二十兩

十二年有年

十三年大有年

十八年旱有赤青自北漸南現白氣十數道

十九年九月地震壞屋無數

道光元年大有年

九年四月大雨雹

十一年冬大雪深五六尺樹多凍死



十二年麥大熟

十五年旱夏有蝗

二十三年夏雨連旬麥生芽

二十四年麥大稔六月二十四日地震秋多雨禾生耳

二十六年大旱麥歉收秋苗多槁冬麥未下種米麥騰貴

二十七年秋大熟雨綿月餘

二十八年麥大稔

絳縣志

卷之十二

祥異

三

咸豐元年有年

二年正月二十三日紅霧滿天暄霾終日

三年八月初六日粵匪自垣邑入境所過村莊廟宇多爲焚燬城中及東關尤甚由本邑入曲沃境絡繹三日不絕

四年有年石麥價銀一兩四五錢每銀一兩易錢兩千五百餘文

七年麥稔有一莖雙歧者

九年夏旱秋禾多枯



十一年五月彗星見八月初一日日月合璧五星  
聯珠

同治元年六月飛蝗入境十月初十日地震十一月  
初三日大震斷續三十餘日房屋多傾人畜有壓  
死者

三年四月冰雹傷麥

四年麥歉收

五年正月十五日天鼓鳴夏雨雹大風拔木

六年饑秋瘟疫流行十二月初五日地震初六

絳縣志

卷之十二

祥異

三

日捻匪由沃入境沿路諸村多被蹂躪初七日至  
城下邑令陳懷璋教諭郭肇堂訓導張于鑄城守  
司甯若武典史王萬選並合城紳民鄉勇晝夜巡  
視鎗礮齊發誓以死守賊燒東關民屋移時遁去  
七年有年

九年麥歉收

十三年秋彗星見

光緒元年歲稔糧賤物貴日用之費蓋藏多空

二年旱



三年大旱夏麥薄收秋苗焦死草盡枯冬麥未下  
種種亦未出二三月間民多結夥攫食間有流亡  
各村好義者醵金安輯之至六七月饑民蜂起到  
處搶劫邑令孟詞宗整團練勤撫巡殲二渠魁遂  
靖先猶宰食牲畜繼而樹皮草根薪蒸土石等類  
雜充飢腸甚至剝遺屍刨掩骸殘骨肉食生人餓  
死十之四五六七月間邑令奉

諭設局勸捐合邑捐銀留作縣賑於十月初一日開  
賑計合邑貧民大小口按日散給繼以常平倉穀  
是年糧價米麥每石自四五兩長至十四五兩麩  
每斤長至八九十文

四年夏無麥四五月雨數次民間購籽下種籽騰  
貴六月復旱苗多不實瘟疫大作染者多斃秋蝗  
蝻生麥早種者多被傷仲秋後雨綿月餘收成大  
減二月間倉穀散竣平陽總局撥來賑糧統極貧  
次貧大小口散給續運續放接濟至次年麥熟方  
止民多賴以保活秋間撥來麥種銀兩蕎麥籽粒  
均按貧民地畝分散冬撥來棉衣棉褲鰥寡孤獨



分領之是年糧價春季米麥每石銀三十餘兩麩  
每斤價錢一百五六十文購籽價尤昂種秋後糧  
減價八九兩因旱復貴

五年春旱麥薄收春末夏初數降犁雨秋籽下種  
螟螣生鼠災尤甚穿屋盜糧肆害無極咬田穗幾  
至盡畝秋穫大減是年三月間捐輸總局撥來耕  
馬八月又撥耕牛均減半價散賣無牲農民八月  
九月疊沛甘霖澤下數尺冬麥滋潤瑞溢田塍預  
兆豐登共慶泰轉